

摛藻堂四庫全書薈要

集部

欽定四庫全書薈要

集部

御定全唐詩卷三百

三十三

三十五

臣紀昀詳校

詳校虞補通奇經歷臣郭祚熾

欽定四庫全書薈要卷一萬七千七百三十五

集部

御定全唐詩卷三百三十

張薦

張薦字孝舉深州人薦之孫敏銳有文辭爲顏真卿所賞真卿陷李希烈薦上疏論救爲左拾遺論盧杞姦惡

德宗納之擢諫議大夫將疏裴延齡惡延齡知之遣使
回鶻還爲秘書少監復使吐蕃三臨絕域占對詳辯卒
贈禮部尚書詩三首

奉酬禮部閣老轉韻離合見贈

一作和權載之
離合詩時爲

秘書

監

移居既同里多幸陪君子弘雅重當朝
弓旌早見招植根瓊林圃直夜金闈步
勸深子玉銘力競相如賦間闕向春闈
日復想光儀格言信難繼木石強爲詞

和潘孟陽春日雪迴文絕句

遲遲日氣暖漫漫雪天春知君欲醉飲
思見此文親

享文恭太子廟樂章

三獻具舉九旗將旋追勞表德罷享賓天風引仙管堂
虛畫筵芳馨常在瞻望悠然

崔邠

崔邠字處仁貝州武城人第進士官補闕疏論裴延齡
姦由中書舍人遷吏部侍郎久乃爲太常卿知吏部尚
書銓爲人沈密清儉兄弟以孝敬聞詩二首

禮部權侍郎閣老史館張秘監閣老有離合酬

贈之什宿直吟翫聊繼此章

一作和權載之離
合詩時為中書

舍人

脉脉羨佳期月夜吟麗詞諫垣則隨步東觀方承顧林
雪消艷陽簡冊漏華光坐更芝蘭室千載各芬芳節苦
文俱盛仍即時人一作竝命翩翩紫霄中羽翮相輝映

享文恭太子廟樂章

醴齊泛罇彝軒懸動干戚入室僎如在升階虔所歷奮
疾合威容定利舒皦澤方崇廟貌禮永被君恩錫

揚於陵

楊於陵字達夫弘農人年十九擢進士第節度使韓滉
竒之妻以女滉為相方權幸於陵不欲進取退廬建昌
滉卒乃為膳部員外郎歷中書舍人戶部侍郎元和初
出為嶺南節度使穆宗立遷戶部尚書以左僕射致仕
於陵器量方峻節操堅明時人尊仰之卒贈司空詩三
首

和權載之離合詩

時為中書舍人

校德盡珪璋才臣時所揚放情寄文律方茂經邦術王

猷符

一作三猷借

發揮十載契心期
晝遊有嘉話
書法無隱

辭信茲酌和美言
與芝蘭比昨來恣

一作念

吟繹日覺祛

蒙鄙

郡齋有紫薇雙本自朱明
接於徂暑其花芳馥
數旬猶茂庭宇之內迥無其倫
予嘉其美而能

久因詩紀述

於陵憲宗朝嘗為桂陽郡守詩為桂陽時作

晏朝受明命繼夏走天衢
逮茲三伏候息駕萬里途
省躬既跼蹐結思多煩紆
簿領幸無事宴休誰與娛
內齋

有嘉樹雙植分庭隅綠葉下成幄紫花紛若鋪
搗霞晚舒艷凝露朝垂珠炎沴晝方鑠幽姿閒
且都天桃固難匹芍藥寧為徒懿此時節久詎
同光景驅陶甄試一致品彙乃散殊濯質非受
彩無心那奪朱粵子負羈繫留賞益踟躕通夕
靡云倦西南山月孤

贈毛仙翁

先生赤松侶混俗遊人間崑閬無窮路何時下
故山千年猶孺質秘術救塵寰莫便冲天去雲雷
不可攀

許孟容

許孟容京兆長安人舉進士甲科貞元初為張建封從事四遷侍御史德宗知其才徵為禮部員外郎遷給事中多所論奏元和中由太常卿為尚書左丞居官守正善拔士議論人物有大臣風采詩三首

荅權載之離合詩

時為給事中

史一作敏

才司秘府文哲今超古亦有擅風騷六聯文墨

曹聖賢三代意工藝千金字化識從臣謠人推仙閣吏

如登崑閬時口誦靈真詞
孫簡下威鳳系霜瓊玉枝

奉和武相公春曉聞鶯

碧樹當窓啼曉鶯
間闌入夢聽難成
千回萬轉盡愁思
疑是血魂哀困聲

享文恭太子廟樂章

觴牢具品管弦有節
祝道寅恭神儀昭晰
桐珪早貴象輅追設
磬達樂成降歆豐潔

馮伉

馮伉魏州元城人大曆初舉五經又舉宏詞三遷膳部
員外郎使澤潞不受幣德宗以其清可用授醴泉令為
著諭蒙書以勸俗韋渠牟薦為給事中再領國子祭酒
卒贈禮部尚書詩三首

和權載之離合詩

時為給事中

車馬退朝後聿懷在文友動詞宗伯雄重美良史功亦
曾吟鮑謝二妙尤增價雨

于叶反

霜鴻唳天匝樹鳥鳴夜

覃思各

一作客

縱橫早擅希代名息心欲焚硯自醜

一作忝

陪羣英

享文恭太子廟樂章二首

撰日瞻景誠陳樂張禮容秩秩羽舞煌煌肅將滌濯祇
薦芬芳永錫繁祉思深享嘗

干旄羽籥相虧蔽一進一退殊行綴昔獻三雍盛禮容
今陳六佾崇儀制

潘孟陽

潘孟陽侍郎炎之子以蔭進登博學宏辭母劉晏女也

公卿多父友及外祖賓從故得薦用累至兵部郎中權
知戶部侍郎年未四十憲宗初巡省江淮憲宗嘗誡江
淮宣慰使鄭敬曰朕宮中用度一匹已上皆有簿領惟
贈卹貧民無所計筭卿宜體吾懷勿學潘孟陽奉使但
務酣飲遊山寺也詩三首

和權載之離合詩

詠歌有離合永夜觀酬答笥中搯綵牋竹簡何足編意
深俱妙絕心契交情結計彼官接聯言初竝清切翔集

本相隨羽儀良在斯煙雲競文蒸因喜翫新詩

春日雪以迴文絕句呈張薦權德輿

一作春日
雪寄上張

二十九丈大監請招禮部權曹
長迴文絕句時為戶部侍郎

春梅雜落雪發樹幾花開真須盡興飲仁里願同來

元日和布澤

至德生成泰咸歡照育恩流輝霑萬物布澤在三元北
闕祥雲迥東方嘉氣繁青陽初應律蒼玉正臨軒恩洽
因時令風和比化原自慙同草木無以答乾坤

武少儀

武少儀元和中嘗為大理卿詩二首

和權載之離合詩

時為國子司業

少年慕時彥小悟

一作悟

文多變木鐸比羣英八方流德

聲雷陳美交契雨雪音塵繼

一作寄

息願各飛翔因詩觀

瑰麗傳野絕遺賢人希有盛遷早欽風與雅日詠贈酬

篇

諸葛丞相廟

蜀志一作武侯祠

執簡焚香入廟門
武侯神象儼如存
因機定蜀延衰漢
以計連吳振弱孫
欲盡智能傾僭盜
善持忠節轉庸昏
宣王請戰貽巾幘
始見才吞亦氣

一作吞勢

御定全唐詩卷三百三十

欽定四庫全書蒼要卷一萬七千七百三十六集部

御定全唐詩卷三百三十一

段文昌

段文昌字墨卿一字景初貞元初授校書郎累擢翰林
學士中書舍人穆宗即位拜中書侍郎同中書門下平
章事未踰年出爲劍南西川節度使文宗立拜御史大
夫節度淮南徙荆南終西川節度集三十卷今存詩四
首

享太廟樂章

肅肅清廟登顯至德澤周八荒兵定四極生物咸遂羣
盜滅息明聖欽承子孫千億

題武擔寺西臺

秋天如鏡空樓閣盡玲瓏水暗餘霞外山明落照中鳥
行看漸遠松韻聽難窮今日登臨意多歡語笑同

晚夏登張儀樓呈院中諸公

重樓窗戶開四望斂煙埃遠岫林端出清波城下迴乍

疑蟬韻促稍覺雪風來併起鄉關思銷憂在酒杯

還別業尋龍華山寺廣宣上人

十里惟聞松桂風江山忽轉見龍宮正與休師方話舊
風煙幾度入樓中

姚向

姚向長慶二年西川節度判官詩二首

奉陪段相公晚夏登張儀樓

秦相架羣材登臨契上台查從銀漢落江自雪山來儂

曲親流火凌風洽小杯帝鄉如在目欲下盡裴回

和段相公登武擔寺西臺

開閣錦城中餘閒訪梵宮九層連晝景萬象寫秋空天
半將身到江長與海通提攜出塵土曾是穆清風

溫會

溫會以殿中侍御史爲西川安撫判官詩二首

和段相公登武擔寺西臺

桑臺煙樹中臺榭造雲空眺聽逢秋興篇辭變國風坐

愁高鳥起笑指遠人同始媿才情薄躋攀繼韻窮

奉陪段相公晚夏登張儀樓

危軒重疊開訪古上裴回有舌嗟秦策飛樑駕楚材雲
霄隨鳳到物象為詩來欲和關山意已歌調更哀

李敬伯

李敬伯西川觀察巡官試大理評事詩二首

和段相公登武擔寺西臺

臺上起涼風乘閒覽歲功自隨台席貴盡許羽觴同樓

殿斜暉照江山極望通賦詩思共樂俱得詠時豐

奉陪段相公晚夏登張儀樓

層屋架城隈賓筵此日開文鋒推八陣星分應三台望
雪煩襟釋當歡遠思來披雲霄漢近斲覺出塵埃

姚康

姚康字汝諧下邳人登元和十五年進士第試右武衛
曹叅軍劍南觀察推官大中時終太子詹事詩四首

奉陪段相公晚夏登張儀樓

登覽值晴開詩從野思來蜀川新草木秦日舊樓臺池
景搖中座山光接上台近秋宜晚景極目斷浮埃

和段相公登武擔寺西臺

松逕引清風登臺古寺中江平沙岸白日下錦川紅疎
樹山根淨深雲鳥跡窮自慙陪末席便與九霄通

禮部試早春殘雪

微暖春潛至輕明雪尚殘銀鋪光漸濕珪破色仍寒無
柳花常在非秋露正團素光浮轉薄皓質駐應難幸得

依陰處偏宜帶月看
玉塵銷欲盡窮巷起衰安

賦得巨魚縱大壑

水府乘閒望圓波
息躍魚從來暴泥久
今日脫泉初得志
寧相忌無心任宛如
龍門應可度鮫室
豈常居掉尾方窮
樂遊鱗每自舒乘流
千里去風力藉吹噓

欽定四庫全書蒼要卷一萬七千七百三十七

集部

御定全唐詩卷三百三十二

羊士諤

羊士諤泰山人登貞元元年進士第累至宣歙巡官元和初拜監察御史坐誣李吉甫出爲資州刺史詩一卷

早春對雨

南館垂楊早東風細雨頻輕寒消玉笋幽賞滯朱輪千里巴江守三年故國春含情非遲客懸榻但生塵

永寧小園即事

蕭條梧竹下秋物映園廬宿雨方然桂朝飢更摘蔬陰
苔生白石時菊覆清渠陳力當何事忘言媿道書

臺中遇直晨覽蕭侍御壁畫山水

蟲思庭莎白露天微風吹竹曉淒然今來始悟朝迴客
暗寫歸心向石泉

過三鄉望女兒山早歲有卜築之志

女兒山頭春雪消路傍仙杏發柔條心期欲去知何日

惆悵回車上野橋

和李都官郎中經宮人斜

翡翠無窮掩夜泉猶疑一半作神仙
秋來還照長門月
珠露寒花是野田

山閣聞笛

臨風玉管吹參差
山塢春深日又遲
李白桃紅滿城郭
馬融閒卧望京師

登樓

槐柳蕭疎遠郡城
夜添山雨作江聲
秋風南陌無車馬
獨上高樓故國情

憶江南舊遊二首

山陰道上桂花初
王謝風流滿晉書
曾作江南步從事
秋來還復憶鱸魚

曲水三春弄綵毫
樟亭八月又觀濤
金壘幾醉烏程酒
鶴舫閒吟把蟹螯

郡中即事三首

曉風山郭雁飛初，霜拂回塘水榭虛。
鼓角清明如戰壘，梧桐搖落似貧居。
青門遠憶中人產，白首閒看太史書。
城下秋江寒見底，賓筵莫訝食無魚。

紅衣落盡暗香殘，葉上秋光白露寒。
越女含情已無限，

莫教長袖倚闌干。

此首題一作翫荷花

登臨

一作高

何事

一作處

見瓊枝白露黃花自繞籬，惟有樓

中好山色稻畦殘，水入秋池

此首題一作寄裴校書

野望二首

卷三十一
三十一
萋萋麥隴杏花風好是行春野望中日暮不辭停五馬
鴛鴦飛去綠江空

忘懷不使海鷗疑水映桃花酒滿巵亭上一聲歌白苧
野人歸棹亦行遲

遊西山蘭若

路傍垂柳古今情春草春泉咽又生借問山僧好風景
看花攜酒幾人行

泛舟入後溪

東風朝日破輕嵐
仙棹初移酒未酣
玉笛閒吹折楊柳
春風無事傍魚潭

雨餘芳草淨沙塵
水綠灘平一一作色
帶春唯有啼鶉似

留客桃花深處更無人

此首一作于鵠詩

看花

一到花間一忘歸
玉梧瑤瑟減光輝
歌筵更覆青油幕
忽似朝雲瑞雪飛

春望

莫問華簪髮已斑
歸心滿目是青山
獨上層城倚危檻
柳營春盡馬嘶閒

寄江陵韓少尹

別來玄鬢共成霜
雲起無心出帝鄉
蜀國魚箋數行字
憶君秋夢過南塘

賀一作資州宴行營回將

九一作幾釵盈庭酒滿卮
戍人歸日及瓜時
元戎靜鎮無

邊事遣向營中偃畫旗

遊郭駙馬大安山池

馬嘶芳草自淹留，別館何人屬細侯。
仙杏破顏逢醉客，綵鴛飛去避行舟。
簫日暖移賓榻，垂柳風多掩妓樓。
坐閱清暉不知暮，煙橫北渚水悠悠。

故蕭尚書瘿柏齋前玉蘂樹與王起居吏部孟
員外同賞

柏寢閉何時，瑤華自滿枝。
天清凝積素，風暖動芬絲。
留步蒼苔暗，停觴白日遲。
因吟茂陵草，幽賞待妍詞。

和武相早朝中書候傳點書懷奉呈

殿省祕清曉夔龍升紫微星辰拱帝座
劔履翊天機耿
取金波缺沉沉玉漏稀綵箋蹲鸞獸
畫扇列名翬志業
丹青重恩華雨露霏三台昭建極一德慶垂衣
昌運瞻
文教雄圖本武威殊勲如帶遠佳氣似煙非
抗節衷無
隱同心尚弼違良哉致君日維嶽有光輝

和蕭侍御監祭白帝城西村寺齋沐覽鏡有懷

吏部孟員外并見贈

晚沐金仙宇迎秋白帝祠軒裳煩吏職風物動心期清
鏡開塵匣華簪指髮絲南宮有高步歲晏豈磷緇

送張郎中副使自南省赴鳳翔府幕

仙郎佐氏

一本缺

謀廷議寵元侯城郭須來貢河隍亦順

流亞夫高壘靜充國大田秋當奮燕然筆銘功向隴頭
和竇吏部雪中寓直

瑞花飄朔雪灑氣滿南宮迢遞層城掩徘徊午夜中金

閨通籍恨銀燭直廬空

一本缺

誰問烏臺客家山憶桂叢

小園春至偶呈吏部竇郎中

題下一本有
孟員外三字

松篠雖苦節冰霜慘其間欣然一作發佳色如喜東風

還幽抱想前躅冥鴻度南山春臺一以眺達士亦解顏

偃息非老圃沉吟闕玄關馳暉忽復失壯氣一作不得

閒君子當濟物丹梯誰一作共攀心期自有約去掃蒼

苔斑

酬吏部竇郎中直夜見寄

解巾侍雲陞三命早爲郎復以雕龍彩旋歸振鷺行玉

書期養素金印已

一本缺

懷黃茲夕南宮詠遐情媿不忘

永寧里園亭休沐悵然成詠

雲景含初夏休歸曲陌深幽簾宜永日珍樹始清陰遲
客唯長簟忘言有匣琴畫披靈物態書見古人心芳草
多留步鮮飈自滿襟勞形非立事瀟灑媿頭簪

登樂遊原寄司封孟郎中盧補闕

爽節時清眺秋懷悵獨過神臯值宿雨曲水已增波白
鳥凌風迴紅葉濯露多伊川有歸思君子復如何

乾元初嚴黃門自京兆少尹貶牧巴郡以長才
英氣因多暇日每遊郡之東山山側精舍有盤
石細泉疏爲浮杯之勝苔深樹老蒼然遺躅士
諤謬因出守得繼茲賞乃賦詩十四韻刻於石
壁

石座雙峰古雲泉九曲深寂寥疏鑿意蕪沒歲時侵繞
席流還壅浮杯咽復沉追懷王謝侶更似會稽岑

始詣
流杯

之地蔓草已沒石泉渠不絕如線躬自
疏導終日潺潺蓋數十年無復遊者

誰謂天池翼相

期澤畔吟光輝輕尺璧然諾重黃金幾醉東山妓長懸

北闕心蕙蘭雷雜佩桃李想

一作相

華簪

時却唐事昂自拾遺貶清化尉

黃門年三十餘且為府主與郝意氣友善賦詩高會文字猶存

閑閣余何事鳴騶亦屢

尋軒裳遵往轍風景憩中林橫吹多淒調安歌送好音

初筵方側弁故老忽沾襟

時老僧常覺在自言目覩黃門遊集之日歷歷可聽及聞

絲竹發聲泣然流涕

盛世當弘濟平生諒所欽無能愧陳力惆悵

拂瑤琴

閒齋示一二道者

幽蘭誰復奏閒匣以端憂知止慙先覺歸歟想故侯山
蟬鈴閣晚江雨麥田秋唯有空門學相期老一丘

南池荷花

蟬噪城溝水芙蓉忽已繁紅花迷越艷芳意過湘沅湛
露宜清暑披香正滿軒朝朝祇自賞穠李亦何言

郡中翫月寄江南李少尹虞部孟員外三首

月滿自高丘江通無狹流軒窗開到曉風物坐含秋鵲
警銀河斷蛩悲翠幕幽清光望不極耿耿下西樓

桂華臨洛浦如挹李膺仙
茲夕披雲望還吟擲地篇鳳
池分直夜牛渚泛舟年
會是風流賞惟君內史賢

圓景曠佳賓

一作賞

徘徊夜漏頻金波徒汎酒
瑤瑟已生

塵露白移長輦風清挂幅巾
西園舊才子想見洛陽人

時枉廬雲夫

書分司入洛

城隍廟賽雨二首

零雨慰斯人齊心薦綠蘋
山風簫鼓響如祭敬亭神
積潤通千里推誠奠一卮
回飈經畫壁忽似偃雲旗

郡樓晴望二首

霽色朝雲盡亭臯

一作高

露亦晞褰開臨曲檻蕭瑟換輕

衣地遠秦人望天晴社燕飛無功慙歲晚唯念故山歸

一雨晴山郭驚秋碧樹風蘭卮誰與薦玉旆自無悰雲

景嘶賓雁嵐陰露彩虹閒吟嬾閉

一作下

閣旦夕郡樓中

初移琪樹

愛此丘中物煙霜盡日看無窮碧

一作白

雲意更助綠窗

寒

燕居

秋齋膏沐暇
旭日照軒墀
露重芭蕉葉
香凝

一作低
一本缺

橘

衰
袖枝簡書隨吏散
寶騎與僧期
報國得何力
流年已覺

寄黔府竇中丞

漢臣旌節貴
萬里護牂牁
夏月

一作日

天無暑
秋風水不

波
朝衣蟠艾綬
戎幕偃雕戈
滿歲歸龍闕
良哉佇作歌

書樓懷古

何獨文翁化風流與代深泉雲無舊轍騷雅有遺音遠
目窮巴漢間情閱古今忘言意不極日暮但橫琴

九月十日郡樓獨酌

掾史當授衣郡中稀物役嘉辰悵已失殘菊誰為惜櫺

軒一尊泛天景洞虛碧暮節獨

一作猶

賞心寒江鳴湍石

歸期北州里舊友東山客飄蕩雲海深相思桂花白

暮秋言懷

城隅凝綠畫紅樹帶青山遲客金尊晚談空玉柄閒馳

暉三峽水旅夢百勞關非是淮陽薄丘中只望還

題枇杷樹

珍樹寒始花氤氳九秋月佳期若有待芳意常無絕
娟娟碧海風濛濛綠枝雪急景自餘妍春禽幸流悅

上元日紫極宮門觀州民然燈張樂

山郭通衢隘瑤壇紫府深燈花助春意舞綬一作織歡

心閒似淮陽卧恭聞樂職吟唯將聖明化聊以達飛沉
西郊蘭若

雲天宜北戶塔廟似西方林下僧無事江清日復長石
泉盈掬冷山實滿枝香寂寞傳心印玄言亦已忘

在郡三年今秋見白髮聊以書事

二毛非騎省朝鏡忽秋風絲縷寒衣上霜華舊簡中承
明那足厭車服媿無功日日山城守淹留巖桂叢

郡中端居有懷袁州王員外使君

憶作同門友承明奉直廬禁闈人自異休澣跡非踈珥
筆金華殿三朝玉璽書恩光榮侍從文彩應符徐

以至元和
並掌客命

青眼真知我玄談愧起予
蘭卮招促膝松砌

引長裾

王尤精太玄自為深知時在憲司休注釋與予自躬冠服輒詣松庭永日言集

麗日流

鶯早涼天墜露初前山臨紫閣曲水眺紅渠誰為音塵
曠俄驚歲月除風波移故轍符守忽離居濟物陰功在
分憂盛業餘弱翁方大用延首遲雙魚

山寺題壁

物外真何事幽廊步不窮一燈心法在三世影堂空山
果青苔上寒蟬落葉中歸來還閉閣棠樹幾秋風

暇日適值澄霽江亭遊宴

碧落風如洗清光鏡不分
弦歌方對酒山谷盡無雲
振臥淮陽病悲秋宋玉文
今來強攜妓醉舞石榴裙

玩槿花

何乃詩人興妍詞屬舜華
風流感異代窈窕比同車
凝艷垂清露驚秋隔絳紗
蟬鳴復蟲思惆悵竹陰斜

郡齋讀經

壯齡非濟物柔翰誤爲儒
及此齋心暇倏然與道俱
散

材誠獨善正覺豈無徒半偈蓮生水幽香桂滿爐息陰
慙蔽蒂講義得醍醐跡似桃源客身撻竹使符華夷叅
吏事巴漢混州圖偃草懷君子移風念嗇夫翳桑俄有
績宿麥復盈租圓寂期超詣凋殘幸已蘇解空囊不智
減景谷何愚幾日遵歸轍東菑殆欲蕪

州民自言巴土冬濕且多陰晦今茲晴朗苦寒

霜頗甚故老咸異之因示寮吏

第五句第七句
第八句並缺

雨霜以成歲看舊感前聞愛景隨朝日凝陰積暮雲

忘言酒暫醺

齋中有獸皮茵偶成詠

逸才豈凡獸服猛愚人得山澤生異姿蒙戎

一作葍

蔚佳

色青氈持與藉重錦裁為飾臥閣幸相宜温然承宴息
野夫採鞭於東山偶得元者

追風豈無策持斧有遐想鳳去留孤根崑懸非朽壤苔
斑自天生玉節垂雲長勿謂山之幽丹梯亦可上

守郡累年俄及知命聊以言志

第八句
缺一字

南國疑逋客東山作老夫登朝非大隱出谷是真愚氣
直慙龍劔心清愛玉壺聊持循吏傳早晚為徒

東渡早梅一樹歲華如雪酣賞成詠

第一句第
二句各缺

一字

暇日畱事期雲亦開鄉心持歲酒津下賞山梅晚
實和商鼎濃香拂壽杯唯應招北客日日踏青來

題郡南山光福寺寺即巖黃門所置時自給事
中京兆少尹出守年三十性樂山水故老云每

旬數至後分閩

一有西字

川州門有去思碑即都拾

遺之詞也

傳聞黃閣守茲地賦長沙少壯稱時傑功名惜歲華巖
廊初建剝賓從亟鳴笳玉帳空巖道甘棠見野花碑殘
猶墮淚城古自歸鴉籍籍清風在懷人諒不遐

雨中寒食

令節逢煙雨園亭但掩關佳人宿妝薄芳樹綵繩閒歸
思偏消酒春寒為近山花枝不可見別恨灞

一作五

陵間

晚夏郡中臥疾

事外心如寄虛齋卧更幽微風生白羽畏日隔青油用
拙懷歸去沉痾畏借畱東山自有計蓬鬢莫先秋

酬盧司門晚夏過永寧里敝居林亭見寄

自嘆淮陽卧誰知去國心幽亭來北戶高韻得南金苔
甃窺泉少籃輿愛竹深風蟬一清暑應喜脫朝簪

山郭風雨朝霽悵然秋思

桐竹籬披曉涼風似故園驚秋對旭日感物坐前軒江

燕飛還盡山榴落尚繁平生信有意衰久已忘言

南館林塘

郡閣山斜對風煙隔短墻清池如寫月珍樹盡凌霜行
樂知無悶加餐頗自強心期空歲晚魚意久相忘

臘夜對酒

琥珀盃中物瓊枝席上人樂聲方助一作醉燭影已含

春自顧行將老何辭坐達晨傳觴稱厚德不問吐車茵

池上構小山詠懷

第二句
缺二字

玉立出巖石風清曲

偶成聊近意靜對想凝神牛

渚中流月蘭亭上道春古來心可見寂寞為斯人

林塘臘候

南國冰霜晚

一作冷

年華已暗歸閒招別館客遠念故山

薇野艇虛還觸籠禽倦更飛忘言亦何事酣賞步

一作坐

清輝

酬禮部崔員外備獨

一作曠一本此下缺一字

永寧里敞居

見寄來詩云圖書鑱塵閣符節守山城

第二句缺一字

守土親巴俗腰章 漢儀春行樂職詠秋感伴牢詞舊

里藏書閣閒門閉槿籬遙慙退朝客下馬獨相思

梁國惠康公主挽歌詞二首

時詒令百官進詞
駙馬即司空于公

之子

湯沐成陳跡山林遂寂寥鵲飛應織素鳳起獨吹簫玉
殿中叅罷雲輶上漢遙皇情非不極空輟未央朝

授冊榮天使陳詩感聖恩山河啓梁國縞素及于門泉
向金卮咽霜來玉樹繁都人聽哀挽淚盡望寒原

南池晨望

起來林上月瀟灑
故人情鈴閣人何事
蓮塘曉獨行衣
沾竹露爽茶對石泉清
鼓吹前賢薄羣蛙試一鳴

林館避暑

池島清陰裏無人泛酒船
山蛭金奏響荷露水精圓靜
勝朝還暮幽觀白已玄
家林正如此何事賦歸田

巴南郡齋雨中偶看長歷是日小雪有懷昔年

朝謁因成八韻

夷落朝雲候王正小雪辰緬懷朝紫陌曾是灑朱輪氣
耿簪裾肅風嚴刻漏頻暗飛金馬仗寒舞玉京塵豸角
隨中憲龍池列近臣藻珠凝瑞彩懸圃淨華茵帝澤千
箱慶天顏萬物春明廷一作君猶咫尺高詠愧巴人

褒城驛池塘翫月

夜長秋始半圓景麗銀河北渚清光溢西山爽氣多鶴
飛聞墜露魚戲見增波千里家林望涼颺換綠蘿

資陽郡中詠懷

腰章非達士，閉閣是潛夫。
匣劍寧求試，籠禽但自拘。
江清牛渚鎮，酒熟步兵廚。
唯此前賢意，風流似不孤。

寒食宴城北山池，即故郡守滎陽鄭鋼。

一作目

為折柳亭

別館青山郭，遊人折柳行。
落花經上巳，細雨帶清明。
鶻鴉流芳暗，鴛鴦曲水平。
歸心何處醉，寶瑟有餘聲。

酬彭州蕭使君秋中言懷

右一作古職移青綬，雄藩拜紫泥。
江回玉壘下，氣爽錦城

西臯鶴驚秋律琴烏怨夜啼離居同舍念宿昔奉金閨
元和初接武南
臺周旋兩院

資中早春

一雨東風晚山鶯獨報春淹留巫峽夢惆悵洛陽人柳
意籠丹檻梅香覆錦茵年華行可惜瑤瑟莫生塵

郡樓懷長安親友

殘暑三巴地沉陰八月天氣昏高閣雨夢倦下簾眠愁
鬢華簪小歸心社燕前相思杜陵野溝水獨潺湲

王起居獨遊青龍寺翫紅葉因寄

十畝蒼苔遶畫廊
幾株紅樹過清霜
高情還似看花去
閒對南山步夕陽

夜聽琵琶三首

掩抑危絃咽又通
朔雲邊月想朦朧
當時誰佩將軍印
長使蛾眉怨不窮

一曲徘徊星漢稀
夜闌幽怨重依依
忽似擬金來上馬
南枝棲鳥盡驚飛

破撥聲繁恨已長
低鬟歛黛更摧藏
潺湲隴水聽難盡
併覺風沙繞杏

一作畫

梁

彭州蕭使君出妓夜宴見送

玉顏紅燭忽驚春
微步凌波暗拂塵
自是當歌歛眉黛
不因惆悵為行人

題松江館

津柳江風白浪平
棹移高館古今情
扁舟一去鴟夷子
應笑分符計日程

偶題寄獨孤使君

病起淮陽自有時，秋來未覺長年悲。
坐逢在日唯相望，嫋嫋涼風滿桂枝。

永寧里小園與沈校書接近悵然題寄

故里心期奈別何，手移芳樹憶庭柯。
東臯黍熟君應醉，梨葉初紅白露多。

齋一作春中詠懷

無心唯有白雲知，閒臥高齋夢蝶時。
不覺東風過寒食，

雨來萱草出巴籬

登郡前山

洛陽歸客滯巴東處處山櫻雪滿叢峴首當時為風景
豈將官舍作池籠

客有自渠州來說常諫議使君故事悵然成詩
才子長沙暫左遷能將意氣慰當年至今猶有東山妓
長使歌詩被管絃

春日朝罷呈臺中寮

一作良友

退食鷓行振羽儀九霄雙闕迴參差雲披綵仗春風度
日暖香堦晝刻移玉樹籠烟鷓鵲觀石渠流水鳳凰池
時清執法慚無事未有長楊漢主知

州民有獻杏者瑰麗溢目因感花未幾聊以成
詠

南郭東風賞杏壇幾株芳樹昨畱歡却憶落花飄綺席
忽驚如實滿雕盤蛾眉半斂千金薄鷓鴣初鳴百草闌
志士古來悲節換美人啼鳥亦長嘆

西川獨孤侍御見寄七言四韻一首為郡翰墨
都捐逮此訓答誠乖拙速

百雉層城上將壇列營西照雪峰寒文章立事須銘鼎

談笑論功耻據鞍草檄清油推

一作催

健筆曳裾黃閣聳

危冠雙金未比三千字負弩空慙知者難

都城從事蕭員外寄海梨花詩盡綺麗至惠然
遠及

珠履行臺擁附蟬外郎高步似神仙陳詞今見唐風盛

從事遙瞻衛國賢
擲地好詞凌綵筆
浣花春水膩魚箋

東山芳意須同賞
子看囊盛幾日傳

右軍書云青李來禽櫻桃日給藤子

皆囊盛為佳

函封多不生

赴資陽經蟠冢山

漢水所出元和三年已授此官

寧辭舊路駕朱轡
重使疲人感漢恩
今日鳴騶到蟠峽
還勝博望至河源

郡中言懷寄西川蕭員外

功名無力愧勤王
已近終南得草堂
身外盡歸天竺侶

腰間唯有會稽章
何時臘酒逢山客
可惜梅枝亞石床
歲晚我知仙客意
懸心應在白雲鄉

郡齋感物寄長安親友

晴天春意併無窮
過臘江樓日日風
瓊樹花香故人別
蘭卮酒色去年同
閒吟鈴閣巴歌裏
回首神臯瑞氣中
自愧朝衣猶在篋
歸來應是白頭翁

息舟荆溪入陽羨
南山遊善權寺呈李功曹巨

結纜蘭香渚

一作渚曉

柴車

一作紫岩又作挈侶

上連岡晏溫值初霽

去遠山河長獻歲冰雪盡細泉生路傍行披煙杉入激

澗

一作澗

橫石梁層閣表精廬飛甍切雲翔冲襟得高步

清眺極遠方潭嶂積佳氣萸萸多早芳具觀澤國秀重
使春心傷念遵煩促途榮利驚隙光勉君脫冠意共匿
無何鄉

亂後曲江

憶昔曾遊曲水濱春來長有探春人遊春人靜空地

一作

池在直至春深不似春

尋山家

一作長孫
佐輔詩

獨訪山家歇還涉

一作步
還歇

茅屋斜連隔松葉主人聞語

未開門繞籬野菜飛黃蝶

寄襄校書

登高何處見瓊枝
白露黃花自繞籬
惟有樓中好山色
稻畦殘水入秋池

句

風泉留古韻笙磬想遺音

桂朽有遺馥鸞飛安可待

塵沙藹如霧長波驚颺度雁起汀洲寒馬嘶高城暮
銀缸倦秋館綺瑟瞻永路重有攜手期清光倚玉樹

上以

並見張為
主客圖

御定全唐詩卷三百三十二

欽定四庫全書蒼要卷一萬七千七百三十八集部

御定全唐詩卷三百三十三

楊巨源

楊巨源字景山河中人貞元五年擢進士第為張弘靖從事由秘書郎擢太常博士禮部員外郎出為鳳翔少尹復召除國子司業年七十致仕歸時宰白以為河中少尹食其祿終身集五卷今編詩一卷

秋夜閒居即事寄廬山鄭員外蜀郡符處士

憂思繁未整良辰會無由引領遲佳音星紀屢以周蓬

閨絕華耀况乃處窮愁墜葉寒擁砌燈火

一作光

夜悠悠

開琴弄清弦窺月俯澄流冉冉鴻鴈度蕭蕭惟箔秋悵

懷石門詠緬慕

一作邀

碧雞遊髣髴蒙顏色崇蘭隱芳洲

獨不見

東風艷陽色柳綠花如霰競理同心鬟爭持合歡扇香
傳賈娘手粉離何郎面最恨卷簾時含情獨不見

題趙孟莊

管鮑化為塵交友存如線升堂俱自媚得路難相見
君敦三益顏俗期一變心同襲芝蘭氣合回霜霰石門
雲卧久玉洞花尋遍王濬愛旌旗梁竦勞州縣煙鴻秋
更遠天馬寒愈健願事郭先生青囊書幾卷

薛魏博田尚書出境後感恩戀德因登藪臺

一本

此下有却 第八句
贈二字 缺二字

薦書及龍鍾此事鏤心骨親知殊恨恨

一作恨恨

徒御方咄

咄

賓朋
慚僕請行

藪臺邯鄲臺上見新月離恨始分明

更超忽懷仁淚空盡感事情又發他時躡履聲曉日

照丹闕

夏日苦熱同長孫主簿過仁壽寺納涼

火入天地鑪南方正何劇四郊長雲紅六合太陽赤
赫沸泉壑燄燄焦砂石思減祝融權期匡諸子宅因投
竹林寺一問青蓮客心空得清涼理證等喧寂開襟天
籟回步履雨花積微風動珠簾惠氣入瑤席境閒性方
謐塵遠趣皆適淹駕殊未還朱欄敞虛碧

送李虞仲秀才歸東都因寄元李二友

高翼閒未倦孤雲曠無期晴霞海西畔秋草燕南時
鄴中多上才耿耿丹霄姿顧我於逆旅與君發光儀
同將儒者方獲忝攜一作人知幽蘭與芳佩寒玉鏘美詞
舊友在伊洛鳴蟬思山陂到來再春風夢盡雙瓊枝
素業且無負青冥殊未遲南橋天氣好脈脈一相思

和盧諫議朝回書情即事寄兩省閣老兼呈二
起居諫院諸院長

寵位資寂用回頭憐二踈超遙比鶴性皎潔同僧居華

組澹無累單林歡有餘題詩天

清一作

風灑屬思紅霞舒

藹藹延閣東晨光映林初爐香深內殿山色明前除對

客默焚橐何人知諫書全仁氣逾勁大辨言甚徐逸步

寄青瑩閒吟親綺疏清輝被鸞渚瑞靄含龍渠謝監營

野墅陶公愛吾廬悠然遠者懷聖代飄長裾端弼緝元

化至音生太虛一戎殄撓槍重譯充儲胥借地種寒竹

看雲憶春蔬靈機棲杳冥談笑登軒車晚迹識麒麟秋

英見芙蓉危言直且莊曠抱鬱以攄志業耿冰雪光容
粲璠璣時賢儼仙掖氣謝心何如

奉酬竇郎中早入省苦寒見寄

玄冥怒含風羣物戒嚴節空山頑石破幽澗層冰裂題
詩金華彥接武丹霄烈曠懷玉京雲孤唱粉垣雪窮陰
總凝洹正氣直肅殺天狼看墜地霜兔敢拒穴悠然蓬
蒿士亦得奉朝謁羸驂苦遲遲單僕怨切切端闡仙階
邃廣陌凍橋滑旭日駕鷲行瑞煙芙蓉闕司寒申鄭重

成歲在凜冽謝監逢酒

一作假

時袁生閉門月漸思霜霰

減欲報陽和發誰家挾纊心何地當鑪孰慘舒能一改

恭聽遠者說

野園獻果呈員外

西園果初熟上客心逾愜凝粉乍辭枝飄紅仍帶葉幽
姿寫瓊實殷彩呈妝頰持此贈佳期清芬羅袖裛

大堤曲

一作詞

二八嬋娟大堤女開壚相對依江渚待客登樓向水看

邀郎捲幔臨花語細雨濛濛濕芰荷巴東商侶挂

一作駐

帆多自傳芳酒澆

一作翻

紅袖誰調妍妝回翠娥珍簾華

燈夕陽後當壚理瑟矜纖手月落星微五鼓聲春風搖

蕩牕前柳歲歲逢迎沙岬間北

一作背

人多識

一作整

綠雲

鬢無端嫁與五陵少離別煙波傷玉顏

楊花落

北斗南回春物老紅英落盡綠

一作綠

尚早韶風澹蕩無

所依偏惜垂楊作春好此時可憐楊柳花繁

一作繁

盈艷

曳滿人家人家女兒出羅幙靜掃玉庭待花落寶環纖
手捧更飛翠羽輕裾承不著歷歷瑤琴舞金一作態陳菲
紅拂黛憐玉人東園桃李芳已歇獨有楊花嬌暮春

月宮詞

宮中月明何所似如積如流滿田地迥過前殿曾學看
回照長門慣催淚昭陽昨夜秋風來綺閣金鋪情一作清

影開藻井浮花共陵亂玉階零露相裛回稍映明河泛
仙馭滿牕猶在更衣處管弦回燭無限情環珮憑欄不

能去皎皎蒼蒼千里同穿煙飄葉九門通珠簾欲捲畏
成水瑤席初陳驚似空復值君王事歡宴宮女三千一
時見飛蓋愁看素暈低稱觴願踏清輝遍江上無雲夜
可憐冒沙披浪自嬋娟若共心賞風流夜那比高高太
液前

贈從弟茂卿

時欲北遊

吾從

家一作

驥足楊茂卿性靈且竒才甚清海內方微風

雅道鄴中更有文章盟扣寂由來在淵思搜竒本自通

禪智王維證時符水月杜甫狂處遺天地流水東西岐
路分幽州迢遞舊來聞若為向北驅疲馬山似寒空塞
似雲

烏啼曲贈張評事

可憐楊葉復楊花雪淨煙深碧玉家烏棲不定枝條弱
城頭夜半聲啞啞浮萍流

一作搖
一作棲

蕩門前水任罨芙蓉

莫墮沙

端午日伏蒙內侍賜宸服

綵縷纖仍麗
凌風卷復開
方應五日至
應自九天來
在筭清光發
當軒暑氣回
遙知及時節
刀尺火雲催

胡姬詞

妍艷照江頭
春風好客留
當壚知妾慣
送酒為郎羞
香渡傳蕉扇
妝成上竹樓
數錢憐皓腕
非是不能留

春日有贈

堤暖柳絲斜
風光屬謝家
晚心應戀水
春恨定因花
步遠憐芳草
歸遲見綺霞
由來感情思
獨自惜年華

襄陽樂

閒隨少年去試上大堤遊畫角樓烏起清弦過客愁碑
沈楚山石珠徹漢江秋處處風情好盧家更上樓

關山月

蒼茫臨故關迢遰照秋山萬里平蕪靜孤城落葉間露
濃棲鴈起天遠戍兵還復映征西府光深組練間

長城聞笛

孤城笛滿林斷續共霜砧夜月降羌淚秋風老將心靜

過寒壘遍暗入故關

一作

深惆悵梅花落山川不可尋

春晚東歸留贈李功曹

芳田岐路斜脉脉惜年華雲路

一作

青絲騎香含翠憶

車歌聲仍隔水醉色未侵花唯有懷鄉客東飛羨曙鷗

送殷員外使北蕃

二軒將雨露萬里入煙沙和氣生中國薰風屬外家塞
蘆隨鴈影闕柳拂駝花努力黃雲北僊曹有雉車

送許侍御充雲南哀冊使判官

萬里永昌城威儀奉聖明
冰心瘴江冷霜憲漏天晴
荒外開亭候雲南降旆旌
他時功自許絕域轉哀榮

秋日題陳宗儒圃亭悽然感舊

曾隨何水部待月東亭宿
今日重凭欄清風空在竹
前山依舊碧閒草經秋綠
時物方宛然蛛絲一何速

和鄭少師相公題慈恩寺禪院

舊寺長相孫朝天是聖恩
謝公詩更老蕭傳道方尊
白法知深得蒼生要重論
若為將此望心地向空門

同趙校書題普救寺

東門高處天一望，幾悠然白浪過城下。
青山滿寺前塵光，分驛道嵐色到人煙。
氣象須文字，逢君大雅篇。

春日與劉評事過故證一作澄上人院

曾共劉諮議，同時事道林。
與君方掩淚，來客是知心。
堦雪凌春積，鐘煙向夕深。
依然舊童子，相送出花陰。

春雪題興善寺廣宣上人竹院

皎潔青蓮客，焚香對雪朝。
竹風催一作吹浙瀝，花雨讓飄

飄觸

一作灑

石和雲積縈池拂水消只應將日月顏色不

相饒

清明日后土祠送田徹

一作澈

清明千萬家處處是年華榆柳芳辰火梧桐今日花祭

一作登

祠結雲綺遊陌擁香車惆悵田郎去原回煙樹斜

酬令狐員外直夜書懷見寄

花枝暖欲舒粉署夜方初世職推傳盛春刑是減餘
香能護字鈿槩善呈書此地從頭白經年望雉車

題表丈三大夫書齋

盛府自蓮花羣公是歲華蘭姿丈人圃松色大夫家素
卷堆瑤席朱弦映絳紗詩題三百首高韻照春霞

春日送沈贊府歸潯陽覲叔父

潯陽阮咸宅九派竹林前花嶼高如浪雲峰遠似天江
聲在南巷一作港海氣入東田才子今朝去風濤思渺然

與李文仲秀才同賦泛酒花詩

若道春無賴飛花合逐風巧知人意裏解入酒杯中香

濕勝含露光，搖似泛空。請君回首看，一作醉眼幾片舞芳叢。

登寧州城樓

宋玉本悲秋，今朝更上樓。清波城下去，此意重悠悠。晚菊臨杯思，寒山滿郡愁。故關非內地，一為漢家羞。

同薛侍御登黎陽縣樓眺黃河

倚檻恣流目，高城臨大川。九回紆白浪，一半在青天氣。肅晴空外光，翻曉日邊開。襟值佳景懷，抱更悠然。

和權相公南園閑涉寄庶宣上人

浩氣抱天和閒園載酒過步因秋景曠心向晚雲多翠
玉思回鳳玄珠肯在鵝問一作湯師登幾地空性奈詩何
供奉定法師歸安南

故鄉南越外萬里白雲峰經論辭天去香花入海逢鷺
濤清梵徹蜃閣化城重心到長安陌交州後夜鐘

池上竹

一叢嬋娟色四面清冷波氣潤晚煙重光間秋露多翠
筠入疎柳清影拂圓荷歲晏琅玕實心期有鳳過

長安春遊

鳳城春報曲江頭上客年年是勝遊日暖雲山當廣陌
天清絲管在高樓龍蔥樹色分僊閣縹緲花香汎御溝
桂壁朱門新邸第漢家恩澤問鄴侯

送定法師歸蜀法師即紅樓院供奉廣宣上人
兄弟

鳳城初日照紅樓禁寺公卿識惠休詩引棣華沾一雨
經分貝葉向雙流孤猿學定前山夕遠鴈傷離幾地秋

空性碧雲無處所約公會許剡溪遊

早朝

鐘聲

一作傳

清禁纔應徹漏報仙闈儼已開雙闕薄煙籠

齒齒九成初日照蓬萊朝時但向丹墀拜仗下方從碧殿回聖道逍遙更何事願將巴曲贊康哉

贈張將軍

關西諸將揖容光獨立營門

一作前

劒有霜知愛魯連歸

海上肯令王翦在頻

一作平

陽天晴紅幟當山滿日暮清

笳入塞長年少功高人最羨漢家壇

一作煙

樹月

一作日

蒼

蒼

和侯大夫秋原山觀征人回

兩河戰罷萬方清原上軍回識舊營立馬望雲秋塞靜
射鵬臨水晚天晴戍閒部伍分歧路地遠家鄉寄旆旌
聖代止戈資廟略諸侯不復更長征

送人過衛州

憶昔征南府內遊君家東閣最淹留縱橫聯句長侵曉

次第看花直到秋
論舊舉杯先下淚
傷離臨水更登樓
相思前路幾回首
滿眼青山過衛州

寄中書同年舍人

晴明紫閣最高峰
仙掖開簾范彥龍
五色天書詞煥爛
九華春殿語從容
綵毫應染爐煙細
清珮仍含玉漏重
二十年前同日喜
碧霄何路得相逢

酬一作贈于駙馬二首

綺陌塵香曙色分
碧山如畫又逢君
蛟藏秋月一片水

驥鎖晴空千尺雲，威里舊知何駙馬。
詩家今得鮑參軍，陽和本是煙霄曲。
須向花間次第聞。

芳時碧落心應斷，今日清詞事不同。
瑤草秋殘仙圃在，

綵雲天遠鳳樓空。
晴花煖

一作曾

送金羈影涼葉寒

一作遠

生玉簾風長得聞，詩歡自足會看春。
露濕蘭叢

將歸東都寄

一作別

令狐舍人

綠楊紅杏滿城春，一騎悠悠萬井塵。
岐路未關

一作關

今

日事風光欲醉長，年人間過綺陌尋高寺。
強對

一作到

朱

門謁近臣多病晚來還有策雒陽山色舊相親

寄江州白司馬

江州司馬平安否惠遠東林住得無
湓浦曾聞似衣帶
廬峰見說勝香爐
題詩歲晏離鴻斷
望闕天遙病鶴孤
莫謾拘一作牽
雨花社青雲依舊是前途

薛司空自青州歸朝

天眷君陳久在東
歸朝人看大司空
黃河坼畔長無事
滄海東邊獨有功
已變畏途成雅俗
仍過舊里揖秋風

一門累葉凌煙閣次第儀形漢上公

送章孝標校書歸杭州因寄白舍人

曾過靈隱江邊寺獨宿東樓看海門
潮色銀河鋪碧落日光金柱出紅盆
不妨公事資高臥無限詩情要細論
若訪郡人徐孺子應須騎馬到沙村

述舊紀勲寄太原李光顏侍中二首

玉塞含悽見鴈行北垣新詔拜龍驤
弟兄間世真飛將貌虎歸時似故鄉
鼓角因風飄朔氣旌旗映水發秋光

河源收地心猶壯笑向天西萬里霜

倚天長劒截雲孤報國縱橫見丈夫五載登壇真宰相
六重分閫正司徒曾聞轉戰平堅寇共說題詩壓腐儒
料敵知機在方寸不勞心力講陰符

酬盧員外

謝傳旌旗控上游盧郎樽俎借前籌舜城風土臨清廟
魏國山川在白樓雲寺當時接高步水亭今日又同遊
滿筵舊府笙歌在獨有羊曇最淚一作流

古意贈王常侍

繡戶紗窓北里深
香風暗動鳳凰簪
組紉常在佳人手
刀尺空搖寒女心
欲學齊謳逐雲管
還思楚練拂霜砧
東家少婦當機織
應念無衣雪滿林

送裴中丞出使

一清淮甸假朝綱
金印初迎細柳黃
辭闕天威和雨露
出關春色避風霜
龍韜何必陳三略
虎旅由來肅萬方
宣諭生靈真重任
回軒應問石渠郎

送絳州盧使君

應將清淨結心期又共陽和到郡時絳老問年須算字
庾公逢月要題詩朱欄迨澁因高勝粉堞清明欲下遲
他日徵還作霖雨不須求賽敬亭祠

贈李傅

知因公望掩能文誓激明誠在致君曾罷雙旌瞻白日
猶將一劔許黃雲搖牕竹色留僧語入院松聲共鶴聞
莫被此心生晚計鎮南人憶杜將軍

上裴中丞

六年西掖弘湯誥三捷東堂總漢科
政引風霜成物色語回天地到陽和
清威更助朝端重聖澤曾隨筆下多
應笑白鬚揚執戟可憐春日老如何

和人與人分惠賜水

天水藏來玉墮空先頒密署幾人同
映盤皎潔非資月

一作披扇清涼不在風瑩質方從綸閣內凝輝更

一作當

向畫堂

一作錦帷

中麗詞珍貺難雙有迢滯金輿殿角東

觀打球有作

親掃毬場如砥平，龍驤馬曉光晴。
入門百拜瞻雄勢，動地三軍唱好聲。
玉勒回時霑赤汗，花鬃分處拂紅纓。
欲令四海氛煙靜，杖底纖塵不敢生。

早春即事呈劉員外

明朝晴暖即相隨，肯信春光被雨欺。
且任文書堆案上，免令杯酒負花時。
馬蹄經歷須應遍，鶯語叮嚀已怪遲。
更待雜芳成艷錦，鄴中爭唱仲宣詩。

送司徒童子

衛多君子魯多儒七歲聞天笑舞雩光彩春風初轉蕙
性靈秋水不藏珠兩經在口知名小百拜垂髫稟氣殊
况復元侯旌爾善桂林枝上得鸛雛

寄昭應王丞

武皇金輅輾香塵每歲朝元及此辰光動泉心初浴日
氣蒸山腹總成春謳歌已入雲韶曲詞賦方歸侍從臣
瑞靄朝朝猶望幸天教赤縣有詩人

酬崔博士

自知頑叟更何能，唯學雕蟲謬見稱。
長被有情邀唱和，近來無力更祇承。
青松樹杪三千一作千年鶴，白玉壺中一

片冰。今日為君書壁石。

一作石

孤城莫怕世人憎。

酬裴舍人見寄

誰道重遷是舊班，自將霄漢比鄉關。
二妃樓下宜臨水，五老祠西好看山。
再葺吾廬心已足，每來公府路常閒。
詩陪亞相逾三紀，石筍煙霞不共攀。

和劉員外陪韓僕射野亭公宴

好客風流瑋瑋簪重簷高幕曉沈沈綺筵霜重旌旗滿
玉帳天清絲管聲繁戲徒過魯儒目衆歡方集漢郎心
寒笳一曲嚴城暮雲騎連嘶香外林

酬崔駙馬惠箋百張兼貽四韻

百張雲樣亂花開七字文頭艷錦回浮碧空

一作定

從天

上得殷紅應白日邊來捧持價重凌雲葉封裏香深笑
海苔滿篋清光應照眼欲題凡韻輒褒回

一作風韻
媿凡才

贈史開封

天低荒草誓師壇
鄧艾心知戰地寬
鼓角迥臨霜野曙
旌旗高對雪峰寒
五營向水紅塵起
一劔當風白日看
曾從伏波征絕域
磧西蕃部怯金鞍

奉寄通州元九侍御

大明宮殿鬱蒼蒼
紫禁龍樓直署香
九陌華軒爭道路
一枝寒玉任煙霜
須聽瑞雪傳心語
莫一作却被啼猿續
淚行共說聖朝容
直氣期君新歲奉恩光

贈渾鉅中允

公子髫年四海聞城南侍獵雪雰雰馬盤曠野弦開月
鴈落寒原箭在雲曾向天西穿虜陣慣遊花下領儒羣
一枝瓊萼朝光好綵服飄飄從冠軍

重送胡大夫赴振武

向年擢桂儒生業今日分茅聖主恩旌旆仍將過鄉路
軒車爭看出都門人間文武能雙捷天下安危待一論
布惠宣威大夫事不妨詩思許琴尊

送陳判官罷舉赴江外

練思多時冰雪清
拂衣無語別書生
莫將甲乙為前累
不廢煙霄是此行
定愛紅雲燃楚色
應看白雨打江聲
心期玉帳親台位
魏勃因君說姓名

奉和裴相公

竹寺題名一半空
衰榮三十六人中
在生本要求知己
垂老應憐值相公
敢望燮和回舊律
任應時節到春風
若為問得蒼蒼意
造化無言自是功

和大夫邊春呈長安親故

嚴城吹笛思寒梅
二月冰河一半開
紫陌詩情依舊在
黑山弓力畏春來
遊人曲岸看花發
走馬平沙獵雪回
旌旆朝天不知晚
將星高處近三台

張郎中段員外初直翰林報寄長句

秋空如練瑞雲明
天上人間莫問程
丹鳳詞頭供二妙
金鑾殿角直三清
方瞻北極臨星月
猶向南班滯姓名
啟沃朝朝深禁裏
香爐煙外是公卿

奉酬端公春雪見寄

造化多情狀物親
剪花鋪玉萬重新
閒飄上路呈豐歲
狂舞中庭學醉春
興逸何妨尋劍客
唱高還肯寄巴人
遙知獨立芝蘭閣
滿眼清光壓俗塵

盧郎中拜陵遇雪蒙見召因寄

南宮使者有光輝
欲拜諸陵瑞雪飛
蘋葉已修青玉薦
柳花仍拂赤車衣
應同谷口尋春去
定似山陰帶月歸
寒冷出郊猶未得
羨公將事看芳菲

冬夜陪丘侍御先輩聽崔校書彈琴

雪滿中庭月映林
謝家幽賞在瑤琴
楚妃波浪天南遠
蔡女煙沙漠北深
顧盼何曾因誤曲
殷勤終是感知音
若將雅調開詩興
未抵丘遲一片心

元日含元殿下立仗丹鳳樓門下宣赦相公稱

賀

四字一作
上相公

二首

天垂台曜掃欃槍
壽獻香

一作
青

山祝聖明丹鳳樓

一作
闕

前歌九奏金鷄竿下鼓千聲
衣冠南面薰風動
文字東

方喜氣生從此登封資廟略兩河連海一時清

臨軒啟扇似雲收率土朝天劇水流瑞色含春當正殿
香煙捧日在高樓三朝氣蚤迎恩澤萬歲聲長繞冕旒
請問漢家功第一麒麟閣上識鄼侯

元日觀朝

北極長尊報聖期

一作仰
聖時

周家何用問元龜天顏入曙

千官拜

一作喜

元日

一作日
日色

迎春萬物知閭闔迴臨黃道正

衣裳高對碧山垂微臣願獻堯人祝壽酒年年太液池

題賈巡官林亭

白鳥閒棲亭樹枝，綠樽仍對菊花籬。
許詢本愛交禪侶，陳寔由來是一作足好兒。
明月出雲秋館思，遠泉經雨夜
牕知。門前長者無虛轍，一片寒光動水池。

和元員外題昇平里新齋

自一作因知休沐諸幽勝，遂肯高齋枕廣衢。
舊地已開新

玉圃，春山仍展綠雲圖。心源邀得閒詩證，肺氣宜將慢

酒扶。此外唯應任真宰，同塵敢

一作最

是道門樞

送澹公歸嵩山龍潭寺葬本師

野煙秋水蒼茫遠
禪境真機去住閒
雙樹為家思舊壑
千花成塔禮寒山
洞宮曾向龍邊宿
雲徑應從鳥外還
莫戀本師金骨地
空門無處復無關

邵州陪王郎中宴

西塞無塵多玉筵
貌貅鴛鴦儼相連
紅茵照水開樽俎
翠幕當雲發管絃
歌態曉臨團扇靜
舞容春映薄衫妍
魯儒縱使他時有
不似歡娛及少年

和令狐舍人酬峰上人題山欄孤竹

滿院冰姿粉籜殘一莖青翠近簾端
離叢自欲親香火抱節何妨共歲寒
能禦繁聲任真籟解將孤影對芳蘭
范雲許訪西林寺枝葉須和彩鳳看

寄贈田倉曹灣

芳蘭媚庭除灼灼紅英舒身為陋巷客門有絳轅車朝
覽夷吾傳暮習潁陽書
眇雲高羽翼待賈蘊璠璣纓弁
雖云阻音塵豈復踈若因風雨晦應念寂寥居

上劉侍中

命代生申甫承家翊禹湯廟謨膺間氣師律動清霜鐘

鼎勳庸大山河

一作河山

誠誓長英姿凌虎視逸步壓龍驤

道協陶鈞力思回日月光一言弘社稷九命備珪璋政

治軍逾肅仁敷物已康朱門重榮戟丹詔半縑緗位總

雲

一作興

龍野師臨涿鹿鄉射鵬天更碧吹角塞仍黃深

入平夷落橫行闢漢疆功垂貞石遠名映色絲香斷

一作

度磧瞻貌虎臨池識鳳凰舞腰凝綺榭歌響拂彫梁杯

淨傳鸚鵡裘鮮照鸛鶴吟詩白羽扇校獵綠沈槍風景

佳人地煙沙壯士場幕中邀謝鑒

一作監

麾下得周郎珠

影含空徹瓊枝映座芳王渾知武子陳寔獎元方富貴

春無限歡娛夜未央管弦隨玉帳尊俎奉金章俗理寧

因勸邊城詎假防軍容雄朔漠公望冠巖廊分野隣孤

島京坻溢萬廂曙華分碣石秋色入衡

一作漁

陽城遠迷

玄兔川明辨白狼忠賢多感激今古共蒼茫堤擁紅蕖

艷橋分翠柳行軒車紛自至亭館鬱相當珍簞回煩暑

層軒引早涼聽琴知思靜說劍覺神揚佳景燕臺上清

輝鄭驛傍鼓鼙

一作鐘

喧北里珪玉映東牀敢銜由之瑟

甘循賜也牆官微思假路戰勝忝

一作望

升堂欲奮三年

一作千翼頻迴一夕腸消憂期酒聖乘興任詩狂海內裁

一作分

桃李天涯荷

一作剪

稻梁昇沈門下意

一作客

誰道在

蒼蒼

贈侯侍御

步逸辭羣迹機真

一作忘

結遠

一作道

心敦詩揚大雅映古

酌高音逃禍棲蝸舍因醒解豸簪紫蘭秋露濕黃鶴晚

一作曉

天陰舊業

一作業

餘荒草寒山出遠林月明多宿寺

世亂重悲琴霄漢時應在詩書道未沈坐期闔闔霽雲

暖一開襟

時朱泚阻兵

懷德抒情寄上信州座主

五馬江天郡諸生淚共垂
讌餘明主德恩在侍臣
知悵望緘雙鯉龍鍾假一枝
玉峰遙寄夢雲海暗傷離
幢蓋全家去琴書首路隨
滄州值康樂明月向元規
鸞鳳終

凌漢蛟龍會出池
蕙香因曙

一作暖

發松色肯寒移舉世

瞻風藻當朝揖羽儀
加餐門下意溪水綠逶迤

送杜郎中使君赴虔州

迢遰南康路清輝
得使君虎符秋領俗
鵷署早辭羣地遠仍連戍
城嚴本帶軍傍江低檻月
當嶺滿牕雲境勝

閭閻間

一作閭

天清水陸分和詩將惠政
頌述九衢聞

別鶴詞送令狐校書之桂府

海鶴一為別高程
方宵然影搖江漢

一作海

路思結瀟湘

天皎然仰白日真姿棲紫煙含情九霄際顧侶五雲前

遐心屬清都淒響激朱弦超遙聞

一作
搖間

風雨迢遞各山

川東南信多水會合當有年雌

一作
雄

飛唳冥冥此意何

由傳

夏日裴尹員外西齋看花

笑向東

一作
南

來客看花狂在前始知清夏月更勝艷陽

天露濕呈妝汗風吹畏火燃蔥籠和葉盛爛熳壓枝鮮

紅彩當鈴閣清香到玉筵蝶棲鷺曙色鶯語滯

一作
滯晴

煙得地殊堪賞過時倍覺妍芳菲遲最好唯是謝家憐
贈鄰家老将

白首羽林郎丁年戍朔方陰天瞻磧落秋日渡遼陽大
漠寒山黑孤城夜月黃十年依蓐食萬里帶金瘡拂雪

一作露陳師祭衝風立教場箭飛瓊羽合旗動火雲張虎

翼分營勢魚鱗擁陣行誓心清塞色鬪血雜沙光戰地
晴輝薄軍門曉氣長寇深爭暗襲關迥勒春防身賤竟
何訴天高徒自傷功成封寵將力盡到貧鄉雀老方悲

海鷹衰却念霜空餘孤劍在開匣一霑裳

和呂舍人喜張員外自北番回至境上先寄二

十韻

割愛天文動敦和國步安仙姿歸舊好戎意結新歡並
命瞻鸛鷺同心揖蕙蘭玉簫臨祖帳金榜引征鞍廣陌
雙旌去平沙萬里看海雲侵鬢起邊月向睂殘突兀陰
山迥蒼茫朔野寬毳廬同甲帳韋橐比瑠盤義著親胡
俗儀全識漢官地鄰冰鼠淨天映燭龍寒節異蘇卿執

弦殊蔡女

一作蕃樂

彈磧分黃渺渺塞

一作寒

極黑漫漫歡味

羶腥列微聲
侏僂攢歸期
先雁候登路
劇鵬搏上客
離心遠西宮
草詔殫麗詞
傳錦綺珍價
掩琅玕百兩
開戎壘千蹄
入御欄瑞光
麟閣上佳氣
鳳城端尚德
曾辭劔柔凶
本舞干茫茫
斗星北威服
古來難

春日奉獻聖壽無疆詞十首

文物京華盛謳歌

一作謠

國步康瑤池
供壽酒銀漢
麗宸

章靈雨

一作雨露

含雙闕雷霆
肅萬方代推
仙祚遠春共
聖

思長鳳宸臨花暖龍鑪傍日香遙知千萬歲天意奉君

王

鴛鴦彤庭際軒車綺陌前九重多好色

一作樂

萬井半祥

煙人醉逢堯酒鶯歌答舜弦花明御溝水香暖禁城天

賜宴文逾盛徵歌

一作歡

物更妍無窮艷陽月長照

一作奉

太平年

雲陞臨黃道天門在碧虛大明含睿藻元氣抱宸居
戈偃征苗後詩傳宴鎬初年華富仙苑時哲滿公車化入

網緼大恩垂渙汗餘悠然萬方靜風俗揖華胥

玉漏飄青璫金鋪麗紫宸雲山九門曙天地一家春瑞
靄方呈賞暄風本配仁巖廊開鳳翼水殿壓鰲身文雅
逢明代歡娛及賤臣年年未央闕恩共物華新

垂拱乾坤正歡心品類同紫煙含北極玄澤付東風珠
綴留晴景金莖直曉空發生資盛德交泰讓全功間氣
登三事祥光啟四聰遐荒似川水天外亦一作朝宗

代是文明晝春當宴喜時鑪煙添柳重宮漏出花遲漢

典方寬律周官正採詩碧宵傳鳳吹紅旭

一作日

在龍旗

造化膺神契陽和沃聖恩

一作慈

無

一作每

因隨百獸率舞

奉丹墀

睿德符玄化芳情翊太和日輪皇鑒遠天仗聖朝多曙
色含金榜晴光轉玉珂中宮陳廣樂元老進賡歌蓮葉
看龜上桐花識鳳過小臣空擊壤滄海是恩波

物象朝高殿簪裾溢上京春當九衢好天向萬方明樂
報簫韶發杯看沆瀣生芙蓉丹闕暖楊柳玉樓晴闔闔

開中禁衣裳儼太清南山同聖壽長對鳳皇城

日上蒼龍闕香含紫禁林晴光五雲疊春色九重

一作天

深賞叶元和德文垂雅頌音景雲隨御輦顙氣在宸襟
永保無疆壽長懷不戰心聖朝多慶賜瓊樹粉牆陰

化洽生成遂功宣動植知瑞凝三秀草春入萬年枝鳳
掖嘉言進駕行喜氣隨仗臨丹地近衣對碧山垂溼澤
方柔遠聰明本聽卑願同東觀士

一作事

長對

一作觀

漢威

儀

銜魚翠鳥

有意蓮葉間瞥然下高樹擘破

波一作

得全

一作金

魚一點

翠光去

和鄭相公尋

一本此下有興善寺三字

宣上人不遇

方尋

一作放心

蓮境去又值竹房空幾韻飄寒玉餘清不在

風

題范陽金臺驛

六國唯求客千金遂築臺若令逢聖代憔悴郭生回

寄薛侍御

世上無窮事生涯莫廢詩何曾好風月不是憶君時

賦得灞岸柳留辭鄭員外

楊柳含煙灞岸春年年攀折為行人好風儻借低枝便
莫遣青絲掃路塵

折楊柳

一作和練秀才楊柳一作戴叔倫詩

水邊楊柳麴塵

一作煙

絲立馬煩君折一枝惟有春風最

相惜殷勤更

一作肯

向手中吹

雪中聽箏

玉柱泠泠對寒雪清商怨徵聲何切誰憐楚客向隅時
一片愁心與絃絕

盧龍塞行送韋掌記二首

雨雪紛紛黑水外行人共指盧龍塞萬里飛沙壓鼓鼙
三軍殺氣凝旌旆

陳琳書記本翩翩料敵能兵奪酒泉聖主好文兼好武
封侯莫比漢皇年

題五老峰下費君書院

解向花間栽碧松
門前不負老人峰
已將心事隨身隱
認得溪雲第幾重

僧院聽琴

一作宿藏公院
聽齊孝若彈琴

禪思何妨在玉琴
真僧不見聽時心
離聲怨調秋堂夕
雲向蒼梧湘水深

和武相公春曉聞鶯

語恨飛遲天欲明
殷勤似訴有餘情
仁風已及芳菲節

猶向花溪鳴

一作聽

幾聲

唐昌觀玉蕊花

晴空素艷照霞新
香灑天風不到塵
持贈昔聞將白雪
藥珠宮上玉花春

山中主人

十里青山有一家
翠屏深處更添霞
若為說得溪中事
錦石和煙四面花

太原贈李屬侍御

路入桑乾塞鴈飛棗郎年少有光輝
春風走馬三千里
不廢看花君一作繡衣

崔娘詩

清潤潘郎玉不如
中庭蕙草雪消初
風流才子多春思
腸斷蕭娘一紙書

題雲師山房

一作權德輿詩
又作戎昱詩

雲公蘭若深山裏
月明松殿微風起
試問空門清淨心
蓮花不著秋潭水

城東早春

詩家清

一作新

景在新春綠柳纔黃半未勻若待上林花

似錦出門俱是看花人

秋日登亭贈薛侍御

潦倒從軍何取益東西走馬暫同遊
梁王舊客皆能賦今日因何獨怨秋

石水詞二首

銀罌深鑱貯清光無限來人不得嘗
知共金丹爭氣力

一杯全勝五雲漿

山叟和雲斲翠屏煎時分日檢仙經天人持此扶衰病
勝得瑤池水一瓶

荅振武李逢吉判官

近來時輩都無興把酒皆言肺病同唯有單于李評事
不將華髮負春風

宮燕詞

毛衣侶錦語如絃日煖爭高綺陌天幾處野花留不得

雙雙飛向御爐前

贈崔駙馬

百尺梧桐畫閣齊
簫聲落處翠雲低
平陽不惜黃金埒
細雨花驄踏作泥

聽李憑彈箏篋二首

聽奏繁絃玉殿清
風傳曲度禁林明
君王聽樂梨園煖
翻到雲門第幾聲

花咽嬌鶯玉漱泉
名高半在御筵前
漢王欲助人間樂

從遣新聲墜九天

臨水看花

一樹紅花映綠波
清明騎馬好經過
今朝幾許風吹落
聞道蕭郎最惜多

觀妓人入道二首

荀令歌鐘北里亭
翠娥紅粉敞雲屏
舞衣施盡餘香在
今日花前學誦經

碧玉芳年事冠軍
清歌空得隔花聞
春來削髮芙蓉寺

蟬鬢臨風墮綠雲

方城驛逢孟侍御

走馬溫湯直隼飛相逢矍鑠理征衣
軍中得力兒男事入驛從容見落暉

題清涼寺

憑檻霏微松樹煙陶潛曾用道林錢
一聲寒磬空心曉花雨知從第幾天

酬令狐舍人

曉禁蒼蒼換直還暫低鸞翼向人間亦知受業公門事
數仞丘牆不見山

和令狐郎中

題詩一代占清機秉筆三年直紫微自稟道情齟齬異
不同蘧玉學知非

美人春怨

妾家巫峽陽羅幌寢蘭堂曉日臨窗久春風引夢長落
釵仍挂鬢微汗欲銷黃縱便朦朧覺魂猶逐楚王

艷女詞

露井桃花發雙雙燕並飛美人姿態裏春色上羅衣自
愛頻開鏡時羞欲掩扉心知行路客遙惹五香歸

名姝詠

阿嬌年未多體弱性能和怕重愁拈鏡憐輕喜曳羅臨
津雙洛浦對月兩嫦娥獨有荆王殿時時暮雨過

送太和公主和蕃

北路古來難年光獨認寒朔雲侵鬢起邊月向碛殘蘆

井尋沙到花門度磧看薰風一萬里來處是長安

秋日韋少府廳池上詠石

主人得幽石日覺公堂清一片池上色孤峰雲外情
舊溪紅蘚在秋水綠痕生何必澄湖徹移來有令名

失題

何事慰朝夕不踰詩酒情山河空道路蕃漢共刀兵
禮樂新朝市園林舊弟兄向風一點淚塞一作寒晚暮江平

春日題龍門香山寺

衆香天上梵王宮
鐘磬寥寥半碧空
清景乍開松嶺月
亂流長響石樓風
山河杳映春雲外
城闕參差曉樹中
欲盡出尋那可得
三千世界本無窮

寄申州盧拱使君

領郡仍聞總虎貔
致身還是見男兒
小船隔水催桃葉
大鼓當風舞柘枝
酒坐微酣諸客倒
毬場慢撥幾人隨
從來樂事憎詩苦
莫放窗中遠岫知

郊居秋日酬奚贊府見寄

繁菊照深居芳香春不如聞尋周處士知伴庾尚書日
晚汀洲曠天晴草木疎閒言揮塵柄清步掩蝸廬野老
能親牧高人念遠漁幽叢臨古岸輕葉度寒渠暮色無
狂蝶秋華有嫩蔬若為酬郢曲從此愧璠璣

聖恩洗雪鎮州寄獻裴相公

天借春光洗綠林戰塵收盡見花陰好生本是君王德
忍死何妨壯士心曾賀截雲翻柵遠仍聞斲凍下營深
井陘昨日雙旗入蕭相無言淚濕襟

賀田僕射子弟榮拜金吾

五侯恩澤不同年
叔姪朱門襍稍連
鳳沼九重相喜氣
鴈行一半入祥煙
街衢燭影侵寒月
文武珂聲疊曉天
為數麒麟高閣上
誰家父子勒燕然

和裴舍人觀田尚書出獵

聖代司空比玉清
雄藩觀獵見皇情
雲禽已覺高無益
霜兔應知狡不成
飛鞚擁塵寒草盡
彎弓開月朔風生
今朝始賀將軍貴
紫禁詩人看旆旌

送李舍人歸蘭陵里

清詞舉世皆藏篋，美酒當山為滿樽。
三畝嫩蔬臨綺陌，四行高樹擁朱門。
家貧境勝心無累，名重官閒口不論。
惟有道情常自足，啟期天地易知恩。

同太常尉遲博士闕下待漏

沈沈延閣抱丹墀，松色苔花顫露滋。
爽氣曉來青玉甃，薰風宿在翠花旗。
方瞻御陌三條廣，猶覺仙門一刻遲。
此地含香從白首，馮唐何事怨明時。

卷三十三
見薛侍御戴不損裏帽子因贈

潘郎對青鏡烏帽似新裁
曉露鴉初洗春荷葉半開
堪將護巾櫛不獨隔塵埃
已見籠蟬翼無因映鹿胎
何人呈巧思好手自西來
有意憐衰醜煩君致一枚

胡二十拜戶部兼判度支

清機果被公材撓雄拜知承
聖主恩廟略已調天府實
國征方覺地官尊徒言玉節
將分閭定是沙隄欲到門
為愛山前新卜第不妨風月
事琴樽

元日呈李逢吉舍人

華夷文物賀新年
霜仗遙排鳳闕前
一片彩霞迎曙日
萬條紅燭動春天
稱觴山色和元氣
端冕爐香疊瑞煙
共說正初當聖澤
試過西掖問羣賢

和杜中丞西禪院看花

一林堆錦映千燈
照眼牽情欲不勝
知倚晴明嬌自足
解將顏色醉相仍
好風輕引香煙入
甘露纔和粉艷凝
深處最憐鶯蹂踐
嬾時先被蝶侵凌
對持真境應無取

分付空門又未能迎日似翻紅燒斷臨流疑映綺霞層
幽含晚態憐丹桂盛續春光識紫藤每到花枝獨惆悵
山東惟有杜中丞

句

三刀夢益州一箭取遼城

以下見
紀事

伊陟無聞祖韋賢

不到孫

御定全唐詩卷三百三十三

謹案卷三百三十二第八頁前一行相期澤畔吟
刊本澤訛宅據原集改

卷三百三十三第五頁前一行巴東商侶挂帆多
按別本侶作旅

第五頁前八行縈盈艷曳滿人家刊本縈訛榮據
原集改



總校官庶吉士臣張能照

校對官中書臣張 頊

謄錄舉人臣汪志伊